



Broj: 05-2546-4/17
Sarajevo, 10. 08. 2017. godine

Na osnovu člana 64. stav (1) tačka b) Zakona o javnim nabavkama („Službeni glasnik BiH“, broj 39/14, u nastavku: Zakon), člana 70. stav (1), (3) i (6) Zakona, člana 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14), preporuke Komisije iz Zapisnika o pregledu i ocjeni ponuda, broj 05-2546-3/17 od 31. 07. 2017. godine i člana 22. Statuta Agencije za bankarstvo Federacije BiH („Službene novine Federacije BiH“, broj 42/04), direktor Agencije za bankarstvo Federacije BiH donosi

O D L U K U

o izboru najpovoljnijeg ponuđača u postupku nabavke usluga

I.

Prihvata se preporuka komisije za provođenje postupka javne nabavke iz Zapisnika o pregledu i ocjeni ponuda, broj i datum iz uvodnog dijela ove odluke, po provedenom konkurentskom zahtjevu za dostavu ponuda u postupku nabavke usluga održavanja sistema za klimatizaciju i ventilaciju za potrebe Agencije za bankarstvo Federacije BiH (u nastavku: ugovorni organ) i okvirni sporazum za javnu nabavku predmetnih usluga dodjeljuju se ponuđaču „Akvaterm“ o.d. Sarajevo.

II.

Ukupna vrijednost okvirnog sporazuma iz tačke I. ove odluke bez uračunatog poreza na dodanu vrijednost (PDV), iznosi 9.903,80 KM.

III.

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

IV.

U skladu s članom 70. stav (6) Zakona, ugovorni organ objavit će ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su sudjelovali u ovom postupku.

V.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona.

O B R A Z L O Ž E N J E

Odlukom o pokretanju postupka javne nabavke usluga održavanja sistema za klimatizaciju i ventilaciju, broj: 05-2546/17 od 04. 07. 2017. godine, odobreno je provođenje postupka javne nabavke predmetnih usluga za potrebe ugovornog organa. Javna nabavka provedena je putem konkurentskog zahtjeva za dostavu ponuda s namjerom zaključenja okvirnog sporazuma s jednim ponuđačem, a kao kriterij za dodjelu okvirnog sporazuma odabara se najniža cijena tehnički prihvatljive ponude.

U skladu s članom 35. Zakona, Obavještenje o nabavci broj: 3010-7-2-171-3-31/17 objavljeno je na Portalu javnih nabavki 05. 07. 2017. godine. Procijenjena vrijednost nabavke utvrđena je u iznosu od 12.000,00 KM – bez poreza na dodanu vrijednost (PDV).



U skladu s Odlukom ugovornog organa imenovana je komisija za javne nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnije ponude.

Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su po predmetnom postupku evidentirane tri pravovremeno pristigle ponude.

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova nadmetanja, komisija je utvrdila:

- da je ponuda ponuđača „Akvaterm“ o.d. Sarajevo kvalifikovana i prihvatljiva, te da su dostavljeni svi traženi dokazi propisani tenderskom dokumentacijom, na propisan način;
- da ponuda ponuđača „Eunoia“ d.o.o. Istočno Sarajevo, nije prihvatljiva za ugovorni organ iz razloga što je ukupna ponudena cijena viša od maksimalne procijenjene vrijednosti nabavke (okvirnog sporazuma);
- da se ponuda ponuđača „Klima-Servis“ o.d. Sarajevo odbacuje na osnovu člana 68. stav 1. Zakona, iz razloga što navedeni ponuđač nije dostavio traženi dokaz vezano za tehničku i profesionalnu sposobnosti iz člana 50. Zakona.

U pogledu ispunjavanja zadanih uslova i zahtjeva iz tenderske dokumentacije, u ponudi ponuđača „Klima-Servis“ o.d. Sarajevo, evidentirana je slijedeća nepravilnost:

- navedeni ponuđač je izostavio na svom poslovnom papiru/memorandumu dostaviti podatke o obrazovnoj i profesionalnoj kvalifikaciji lica koje će biti odgovorno za pružanje usluga koje su predmet ugovora, a što je traženo u tački 3.4.2 poglavlje III. Tenderske dokumentacije (u nastavku: TD).

U postupku donošenja ove odluke posebno su cijanjene činjenice da je komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu s kriterijima iz TD.

U postupku ocjene provedenog postupka, ocijenjeno je da je komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i TD.

Uvidom u priloženu dokumentaciju vidljivo je da je izabrani ponuđač najbolje ocijenjen na osnovu zadanih kvalifikacijskih i cjenovnih uslova nadmetanja, pa je komisija dala preporuke da se istom, saglasno članu 69. stav (1) tačka a) Zakona, dodijeli ugovor u predmetnom postupku javne nabavke ove robe.

Uvažavajući sve navedeno, primjenom člana 64. stav 1. tačka a) Zakona, člana 70. stavovi 1.,3. i 6. Zakona i člana 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 22. Statuta ugovornog organa, odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članu 97. i 101. Zakona.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

Dostaviti:

- svim učesnicima u postupku
- a.a.

